



# Comuna de Quartu Sant'Aleni

Tzitadi Metropolitana de Casteddu

## SETORE 9 - AMBIENTE PROTETZIONE TZIVILE TRANSITZIONE ECOLÒGICA

### DETERMINATZIONE DE SU DIRIGENTE

**Nùmeru 1106 de su Registu Generale**

**De su 23/06/2025**

*Ogetu: Micro-organizatzione de su Setore 9 – Aggiornamentu 2025*

*Proposta Nùmeru 1306 de su 23/06/2025*



# Comuna de Quartu Sant'Aleni

Tzitadi Metropolitana de Casteddu

N° Proposta: 1306 de su 23/06/2025 de su 23/06/2025

## SETORE 9 - AMBIENTE PROTETZIONE TZIVILE TRANSITZIONE ECOLÒGICA

### DETERMINATZIONE DE SU DIRIGENTE

*Ogetu: Micro-organizatzione de su Setore 9 – Aggiornamentu 2025*

**TORRADAS A CRAMARE** is determinatziones suas n.1393 de su 03.09.2024 e n.152 de su 04.02.2025 chi torrant a definire s'articolatzione de is servìtzios e ufìtzios de su Setore dende a is sùngulos servìtzios is responsàbiles in relata e is risorsas umanas, bidende puru is provvedimenti de assuntzione a tempus indeterminadu e de mobilitade interna de unos cantos dipendenti chi at determinadu su bisòngiu de adeguare s'istrutura a mannu de is obiettivi de is setores e puru de annoare s'istrutura interna de su Setore

#### **DADU ATU** chi

- cun determinatzione n. 625 de su 08.04.2025 est formalizada s'assuntzione a tempus indeterminadu pro mèdiu de mobilitade voluntària, a cumentzare dae su 02.05.2025, de s'Ing. Stefano Erriu, funtzionàriu tècnicu, àrea de is funtzionàrios de Arta Cualificatzione e issu etotu est parte de su Setore 9;

- chi pro s'àndala professionale e s'esperientzia achirida dae s'Ing. Erriu paret giustu a ddu pònnere a acumprìre protzedimentos chi tenent caràtere tècnicu;

#### **LEADU IN CUNSIDERU** chi

- s'art.5 de su Regulamentu subra s'ordinamentu de is ufìtzios e de is servìtzios comente annoadu cun deliberatzione de Giunta Comunale n. 54 de su 17.03.2023, apostivigat chi, in aplicatzione de is printzìpios cuntènnidos in su D. Lgs n. 165/2001, a is Dirigentes est dada sa gestione amministrativa, finantziària e tècnica de su Setore chi subraintendent, pro mèdiu de autònomos podèrios de gastu, de organizatzione de is risorsas umanas, istumentales e de controllu;

- pro custu is dirigenti faghent is funtziones elencadas in su pròpriu art. 5, inclùdida sa definitzione de s'articolatzione interna de su Setore, s'intregu de is còmputos e is mansiones de dare a onniuna unidade organizzativa e s'impreu de is modalidades tènicas-operativas prus idoneas a sa semplicifcattzione de is protzessos de produtzione de is servìtzios dados;

**CRÈTIDU** pro custu de protzèdere a unu aggiornamentu de sa microistrutura, pro mèdiu de una distributzione noa de is incàrrigos sighende s'assegnatzione a su Setore de unu funtzionàriu tècnicu,



# Comuna de Quartu Sant'Aleni

Tzitadi Metropolitana de Casteddu

pro megiorare s'efitzèntzia organizativa definende is ruolos e is cumpetèntzias de su personale subra nomenadu;

## BIDAS

- SA DELIBERATZIONE de Giunta Comunale n. 19 de su 30/01/2024 chi tenet comente a ogetu: “PIANU INTEGRADU DE ATIVIDADE E ORGANIZATZIONE (PIAO) PRO IS TRES ANNOS 2024/2026 – APROVU” e mm. ii. a sighire;

- sa deliberatzione de Consìgiu Comunale n. 117 de su 20.12.2024, chi tenet pro ogetu “Aprovu de sa Nota de annoamentu a su Documentu ùnicu de programmatzione (DUP) 2025/2027 – art. 170 de su D.Lgs 267/2000 – Aprovu”;

- sa deliberatzione de su Consìgiu Comunale n. 118 de su 20.12.2024, de aprovu de bilantzu de previsione finantziàriu 2027/2027 e sa Nota a Integratzione;

- sa deliberatzione de Giunta Comunale n. 345 de su 30.12.2024, esecutiva cunforma a sa lege, chi tenet comente a ogetu “Pianu Esecutivu de Gestione (PEG) 2025/2027 – Aprovu”;

- sa deliberatzione n. 10 de su 23.01.2025 de aprovu dae parte de sa Giunta Comunale de sa modìfica de su funtzionigrama, organigrama, e assegnatzione de su personale alligados a su Regulamentu subra s'ordinamentu de is ufitzios e de is servìtzios pro torrare a definire sighende is funtzionalidades noas is setores e is servìtzios collegados a cussos;

**BIDU** su Decretu Sindacale n. 73 de su 23.01.2024 chi dat a su sutascritu s'incàrrigu de Dirigente de su Settore Ambiente Protetzione Tzivile Tansizione Ecològica

**BIDU** s'artìculu 107 “*Funtziones e Responsabilidades de sa dirigèntzia*”, Decretu Legislativu n. 267 de su 18/08/2000, Testu Ùnicu subra is leges subra s'ordinamentu de is entes locales.

**BIDU** su Regulamentu subra s'Ordinamentu de is Ufizzios e de is Servìtzios in vigèntzia.

**BIDU** su D. Lgs. n. 118/2011

**BIDU** s'Istatutu comunale

## BIDOS:

- su D.P.R. n. 62/2013 – Còdice de cumportamentu de is dipendenti pùblicos comente mudau cun D.P.R. 82/2023;

- su Còdice de Cumportamentu de su Personale de sa Comuna de Quartu Sant'Aleni approvadu cun deliberatzione de sa Giunta Comunale n. 10 de su 30/01/2014 e mm. ii. a sighire;

## DADU ATU chi:

- custu provedimentu depet sighire is òbligos de publicatzione de is datos in sa setzione Amministratzione Trasparente – suta setzione Provedimentos, cunforma a cantu prevididu dae s'art. 23 de su D.Lgs n. 33 de su 14 martzu 2013 e mm. ii. a sighire;



# Comuna de Quartu Sant'Aleni

Tzitadi Metropolitana de Casteddu

- su responsàbile de custu protzedimentu cunforma a s'art. 4 de sa L. 241/1990 e mm. ii. a s'ghire e a s'art. 15 de su D.Lgs 36/2023 est su Dot. Nicola Carboni;

- non bi sunt situatziones de cunflitu de interessos dae parte de su sutascritu Dirigente, cunforma a is art. 6 e 7 de su D.P.R. n. 62/2013 – Regulamentu chi portat su còdighe de cumportamentu de is dipendentes pùblicos cunforma a s'artìculu 54 de su D. Lgs. 30 martzu 2001, n. 165;

**DADU ATU chi s'istrutòria chi punnat a s'adotzione de custu atu est acabada a favore e crètidu de pòdere atestare sa regularidade e sa curretesa de s'atzione amministrativa, po su chi pertocat custa determinatzione si dat parre de regularidade tècnica cunforma a is efetus de su chi previdet s'art. 147 bis de su T.U.E.L..**

## DETERMINAT

- DE CUNFIRMARE** in s'àmbitu de su “**SETTORE 9 - AMBIENTE PROTETZIONE TZIVILE TRANSITZIONE ECOLÒGICA**”, s'articolatzione de is servìtzios e de is ufìtzios:
  - Servìtziu de Igiene Urbana;
  - Servìtziu birdi pùblicu e gestione de parques e giardinis;
  - Servìtziu Gestiones Ambientales e adatamentu a is giambadas climàticas;
  - Servìtziu Traballos Pùblicos;
  - Servìtziu amparu animales de domo, preventzione de su bagamundàgiu, cassa;
  - Servìtziu Amministrativu Contàbile;
  - Servìtziu Protezione Tzivile;
- DE DARE** a is sùngulos servìtzios is risorsas umanas e is responsàbiles de servìtziu in relata comentu indicados in s'alliòngiu A a custa determina, chi nd'est parte integrante e sustantziale, retifichende s'articolatzione de su Servìtzu Traballos Pùblicos in funtzione de s'intregu a su Servìtziu de s'Ing. Stefano Erriu, funtzionàriu tècnicu àrea funtzionàrios e Arta Cualificatzione, in su Setore dae su 02.05.2025;
- DE ACUMPRIRE** a is òbligos de publicatzione de is datos de custu atu in su giassu de s'Ente – setzione Amministratzione Trasparente – cunforma a is dispositziones de su D.Lgs n. 33 de su 14 martzu 2013 e mm. ii. a s'ghire;
- DE DARE ATU** chi custa determinatzione
  - a) at a èssere, de manera formale, comunicada a totu su personale de su Setore 9;
  - b) no at a èssere trasmìtida a su responsàbile de su Servìtziu Finantziàriu pro ite non portat impinnus de gastu;
  - c) at a èssere publicada in s'albu pretòriu in lìnìa de custu Ente pro 15 dies;
  - d) at a èssere trasmìtida a su Setore Gestione de su Personale, puru pro èssere trasmìtida a is Organizatziiones Sindacales e pro connoschèntzia a su Sìndigu e a su Segretàriu Generale e at a tènnere efetu dae sa data de notìfica a su personale de su Setore.



# Comuna de Quartu Sant'Aleni

Tzitadi Metropolitana de Casteddu

5. **DE SI LASSARE SA FACULTADE DE** adotare mudas e integrazziones a custu atu.

*S'istruttore (LaiM)*

**SU DIRIGENTE DE SU SETTORE**  
**(Nicola Carboni)**



# Comuna de Quartu Sant'Aleni

Tzitadi Metropolitana de Casteddu

## DATOS DE PUBLICATZIONE

Custa determinatzione de su SETORE 9 - AMBIENTE PROTETZIONE TZIVILE TRANSITZIONE ECOLÒGICA , nùmeru 1106 de su 23/06/2025, est publicada in s'albu pretòriu de sa Comuna sa die de su 23/06/2025 e at a abarrai publicada pro 15 dies unu in fatu a s'àteru finas a su 08/07/2025

*Còpia analògica cunforme a s'originale Digitale pro impreu amministrativu*

*Emìtida su \_\_\_\_/\_\_\_\_/\_\_\_\_*

*Su Funtzionàriu incarrigadu*

---